

華秉麾醫學心傳全書

癸酉春正月
秦文綿署簽

著 作 華 秉 麾



無 錫 人 舉 人 經 濟 特 科

華秉麾小傳

華氏秉麾榜名承謨年六十四歲江蘇無錫縣籍祖爲晉孝子寶
宋南渡由汴遷錫累代科甲傳至清光緒十九年癸巳亦舉於鄉
旋即出仕先爲福建船政局文案後以知縣指分廣東歷充要差
署遂溪縣知事清鄉有功超拔補缺後以知府用光復時曾充迪
化全省警察廳長中俄學堂提調即今之校長是也厥後隱於醫
深明中醫精義爲後學之津梁焉

畢業生



唐先蔭 上海人

畢業生



沈芷芬 江蘇人 五十四歲

畢業生



嚴鎮無 陽錫人 六歲

畢業生




陸春 陽湖州人

畢 業 生




華 之 庸

畢 業 生




張 成 龍 浙 江 人

畢 業 生



華 世 忠

畢 業 生




杜 長 根 上 海 人

生 業 畢



縣梅東廣廷佐王

生 業 畢



歲七十三年人錫無于友程

生 業 畢



人蘇江山肖朱

生 業 畢



人 海 上 農 樂 蔡

生 業 畢



歲九廿年人沙川蘇江峯劍夏

生 業 畢



人 海 上 林 瑞 張

生 業 畢



生 實 李
歲六十二年人縣亭華省蘇江

生 業 畢




歲二十二年人陽漢北湖慶雲張

生 業 畢



歲四廿年人湖平江浙湖靜趙

生 業 畢



趙文運浙江定海人年廿一歲

生 業 畢



宋菊仁浙江奉化縣人年十八歲

生 業 畢



王潤之上海縣人年十二歲

序

醫之爲道。廣大精微。非淺嘗者可問鼎也。蓋人秉天地氣化而生。凡八風之來。六氣之變。皆能致疾。斡旋造化之功。系于醫。是故軒歧首明人生秉賦之源。陰陽五行之理。八風六氣之變。疾病治療之方。周漢諸賢。相繼闡發。殆無遺蘊。所以衛性命而禦疾病者。旣周且備。宋元以後。諸家雜出。類多一知半解。著書立說。似是而非。離經背道。莫此爲甚。詎知醫理精微。通乎造化。有一定之理。無一定之法。有一定之方。無一定之病。全在審證立方。不宜稍有偏執。誤人性命。流毒後世。無如近代業醫之士。罔知責重。理闡術疏。或不自愛。而周旋世故。惟利是趨。爲時詬病。譏醫爲賤役。同里華子秉麾。惻然憫之。本其經

驗著醫學心傳一書。論證則直揭根苗。製方則隨宜變化。離乎古而不畔乎古。合乎古而不泥乎古。上追軒岐仲景之心源。下接丹溪天士之命脈。迥非時流之偏執成方。趨風氣者所可比擬也。斯書梓世。洵爲病家之寶筏。後學之津梁。余故樂爲之序。

民國二十二年二月丁福保識

序

易曰。一陰一陽之謂道。是道也。天道也。亦人道也。蓋陰陽不外乎五行。天秉陰陽五行之理。順布四時。化生萬物。人爲萬物之靈。一小天也。倘違陰陽五行之理。飲食不節。起居不常。則疾病生焉。古昔聖王賢相。知其然也。於是乎產生醫學。方書悉備。黃帝岐伯。其尤著者。歷商周漢唐宋元明清。四千餘年間。名醫輩出。代有聞人。然今人性情體格。與上古迥乎不同。果一一執古方以治今人之病。未必卽愈。蓋醫者。生人之術也。一有所誤。卽爲殺人。必洞明陰陽五行之理。斯能不謬其方。而合乎時。華子秉麾。以名孝廉出宰兩粵。政績斐然。其於醫學研究數十寒暑。活人無算。最初入手工夫。卽以古方爲據。有此

病必用此方。用此方必用此藥。毫厘千里之判。無不了然於心。而後從心變化而不窮。近出示所著醫學心傳。一本平素經驗所得。是真洞明陰陽五行之理。而爲此書。俾治醫者手置一編。庶不爲方藥所誤。其有功於世。豈淺鮮哉。余於辛亥年。識華子于迪。化節署。縱談天下事。其豪邁之氣。溢于言表。倘遭逢時會。出其所學。敷揚政治。其成績必有可觀。今退而隱于醫。天實未竟其才。而利濟世之心。則一也。語曰。不爲良相。則爲良醫。信然。

弟徐仁鑑時同客海上

序二

日者閑暇無事。臨帖數幀。命童子焚松煮茗。忽聞足音。趑然自外蒞止。視之則余親家華子秉麾也。手攜新撰醫學心傳一書。行將付梓。乞序於余。余不文。無以應。而展覽全書。內容宏博。上接歧黃。下婉和緩。非漢魏而後百家雜說得以比擬。以之問世。療人疾災。嘆爲觀止。卽筆墨荒蕪。豈容面却。君本宿儒。早歲舉於鄉。曾宦游東粵。爲合肥李文忠所稱賞。奏保經濟焉。賦稟明敏。不器之才。原非僅此素靈。可以盡其長。雖然。醫之爲術。豈易言哉。非淺嘗輒見者所可道也。百草有地道。非一再嘗之。不敢驟然採用。臟腑有虛實。非洞悉真諦。無從謬然立論。諸方萬億。非深求經驗。不可率爾治療。至於脈理。議論紛

歧南轅北轍。似是實非。人須確有見解。乃可爲之糾正。試觀是書。首集卽從事本草之講求。分門別類。已得治病之要。簡而不繁。尤爲獨闡其理。下列診脈驗苔辨味忌口。亦探本窮源。至爲明瞭。立方藥性。主要歌訣。後學便於記讀。二集則人身如機器一篇。亦爲新穎。其所論各臟腑之虛實。隨其病情。參以方藥。尤爲獨創。人所不及。此外反臟腑論臟腑。以及辨論百病之情狀。亦淵而且博。三集則盡其三十年臨診經驗方案。加以診斷。可使人盡能醫。非舊習之醫師。藏頭露尾。祕不傳人以欺世也。四集爲改正仲景傷寒方。亦由經驗心得而來。非真有學識者。不能刪贊一詞也。余不揣鄙陋。爰爲之序。

民國二十二年元旦

秦文錦

醫學心傳序

余友華君。隱於醫有年矣。一日。以所著醫學心傳。問序於余。夫醫雖小道。吾人之生命繫焉。語不云乎。不爲良相。必爲良醫。又云。上醫醫國。次乃醫人。誠重之也。君以名孝廉出宰嶺南之遂溪。地處瀕海。風俗強悍。號稱難治。君下車。卽嚴繩胥吏以法。皆懾服。莫敢爲奸。邑故多盜。往往嘯聚萑蒲。四出標掠。君親率練勇。搗其巢。擒斬渠魁。以徇人民得安枕。一時頌聲載道。有神君之譽。終以性慤直。不工媚事權要。竟以計典休官。去任日。士民涕泣挽留。不得請。追送數十里不絕。亦可見公道猶存。遺愛之入人深也。歸田後。與余晨夕過從。或徜徉泉石。或嘯傲煙霞。翛然有出塵之想。暇則廣搜青囊方伎諸書。晝夜

研讀洞參奧旨。問爲人治病。應手效。乃懸壺海上。宏濟世活人之願。自號醫隱。求診者戶限爲穿。遇貧窶。不計酬。更施以良藥。昔唐柳子厚爲藥工宋清作傳。稱其雖不持錢者。皆與善藥。積券如山。度不能報。輒焚其券。清市人。猶知行義若此。君以通儒循吏。會遭鼎革之變。灰心用世。不卹以藝術自污。固非清比。然足以媿世之視歧黃爲利藪。惟知較量錙銖。不憚草菅人命者矣。書凡四集。本草分類表。脈訣。驗苔訣。藥性主要歌。衛生學。爲第一集。臟腑虛實論。病源論。爲第二集。經驗良方。男婦幼科脈案。爲第三集。改正仲景傷寒方。爲第四集。宏篇鉅製。詢足與朱丹溪心法大全。汪訥庵醫方集解。陳脩園叢書。二十一種。並駕齊驅。風行海內。俾讀之者。按圖可以索驥。不待訪求。